

մարմինն, եւ լուացեալ բացան աչք նորա և լուսա-  
 ւորեցաւ: Եւ սկսաւ ձայնել զքաղաքացիսն իւր՝ թէ  
 եկայք տեսէք զհրաշս զայս զի անգլուխ աստուած  
 գտաւ ի միջի մերում: Իսկ մեծազգի կինն ի վաղիւն  
 եկեալ որոնէր զսիւնն և զսուրբ մարմինն և ոչ գը-  
 տաւ: Վասն որոյ ի խոր խոցեցաւ զի կամէր առնել  
 զնա ի քաղաքն իւր յԼսպանիա: Որ և երեւեալ սըր-  
 բոյս ի տեսեանն թէ գտցես զիս ի Սպանիա եւ մխի-  
 թարեալ զնաց, եւ եզիտ արդարեւ զսուրբ մարմինն  
 պաշտեալ ի քաղաքացւոց՝ անգլուխ աստուած: Այժմ  
 զտեղի սեանն ոչ ոք ճանաչէ, միայն թէ ի հարաւա-  
 յին կողմն Եաֆայու գրի յԱմաւուրն» (Հան. էջ 68):

Հայերը Յոպպէի մէջ հին օրերէն ունին ընդար-  
 ձակ վանք մը և եկեղեցի՝ յանուն Ս. Նիկողայոսի,  
 ուխտաւորներու համար յատուկ սենեակներ: (Անոնց  
 պատմութիւնը և նկարագրութիւնը տեսնել Հ. Վ. Ե-  
 էջ 300-317):

6. Յոպպե - Գազա. (աւանդութիւններ). — Կար-  
 մեղոսէն Յոպպէ՝ ծովեզրեայ դաշտը հիւսիս-արեւ-  
 մուտքէն հարաւ-արեւելք կ'ընդարձակուի դէպի հա-  
 րաւ յառաջանալով և կը վերջանայ Գազայէն անդին  
 խառնուելով անապատին հետ: Այս դաշտին հարաւա-  
 յին մասը կը կազմէ Փղշտացւոց այն երկիրը որ յա-  
 ճախակի կը յիշուի Ս. Կրոց մէջ, այն շարունակա-  
 կան պատերազմներուն պատճառաւ զօր այս անհան-  
 դարտ ժողովուրդը կը մղէր Իսրայելացւոց դէմ: Այս  
 դաշտը կը կոչուէր Տարունա, քաղզիներէն բառ մը որ  
 կը նշանակէ հարաւ:

Յեսուի գրքին համաձայն, այս երկիրը բաժնուած  
 էր փղշտացւոց հինգ իշխաններուն միջև, որոնք են